

# NUNARSUATTA SIUNISSAA PILLUGU ISUMAQATIGIISSUT

## Aallaqqaasiut

### Tunngavigisat

**I. Uumassuillit ataqatigiiaat innimigineqarlutillu eriagineqarnissaat**

**II. Uumassuseqarfittut patajaassuseq**

**III. Inooqatigiinnikkut aningaasarsionnikkullu naapertuilluartumik ingerlatsineq**

**IV. Oqartussaaqataaneq nakuusernerunngitsoq aamma eqqissineq**

**Aqputissaq siumut**

## AALLAQQAASIUT

Nunarsuup oqaluttuarisaanerani piffissamut nalormisoomarseruttorfiusumut killissimavugut, piffissamut nunarsuarmiut tamarmik siunissaminnik aalajangersaaffigisariaqaligaannut. Silarsuarmi pissutsit imminnut ataqatigiissutut tunaartareqatigiinnerisa qajannassusiisalu annertusiartornerat ilutigalugu siunissaq annertuumik nalorninartoqarlunilu neriunartorpassuaqarpoq. Ingerlariaqqissagutta akuersaartariaqarparput kulturit inuusaatsillu assigiinngisitaqisut akornananni tassaalluta inuiassuit ilaqutariiusut ataatsit aamma Nunarsuarmi inuiaqatigiulluta ataatsit ataatsimullu atugassaqartitaasut. Nunarsuaq tamakkerlugu inuiaqatigiit ataavartussat pilersikkumallugit kattuttariaqarput avatangiisinik eriaginninneq, inuttut pisinnaatitaaffiit silarsuarmut tamarmut atuuttut, aningaasarsionnikkullu naapertuilluartumik ingerlatsineq aamma eqqissinerup anersaava toqqammavigalugit. Tamanna anguniarlugu pisariaqarluninartuuvog uagut, Nunarsuup inui, immitsinnut akisussaaqatigiinnerput nassuerutigissallugu, inuunitsinni annerusumik akaareqatigiinnissarput kinguaassavullu pillugit.

### ***Nunarsuaq, angerlarsimaffipput***

Nunarsuarmi inuiassuit silarsuarmut sukkaqisumik ineriartortumut ilaapput. Nunarsuaq, angerlarsimaffipput, uumassusilinnik assigiinngitsorpassuarnik allani nassaassaannngitsunik najorneqarpoq. Pinngortitap nukissuisa inuuneq tassaalersippaat oqaluttualiaq annertuumik piumaffiginnillunilu nalorninartoqarisooq, taamakkaluartorli Nunarsuaq periarfissiisimavoq inuunerup ineriartornissaanut toqqammavissanik pingaartunik. Uumassuseqartut ataatsimoortukkuutaat inuiassuillu toqqissisimasumik inuusinnaanerisa periarfissaqassusiinut uumassuseqarfiup tamarmiusup uumassuseqartullu akunnerminni ataqatigiiaarnerannut apeqqutaavoq nunarsuup peqqissusia, apeqqutaallutitaaq naasut uumasullu annertuumik assigiinngisitaarnerat, nunaatit naggorissusii aamma erngup silaannaallu minguisusii. Nunarsuaq tamakkerlugu avatangiisivut killilimmik atugassaqartitsisut inunnit tamanit ataatsimut susassarineqarput. Nunarsuup ataavarsinnaaneramik, assigiinngisitaarneramik kusanassusianillu illersuinissaq akisussaaffiuvoq inniminartoq.

### ***Nunarsuaq tamakkerlugu pissutsit***

Tunisassioriaatsit aamma sunilluunniit atueriaatsit pingaamerit avatangiisinik aserorterineramik, pissamaatinik nungusaanermik kiisalu uumassusilinnik arlalippassuarnik annertoqisumik nungusaanermik kinguneqartarput. Tassuunakkut inuiaqatigiit toqqammavigisaat qarajameqartarput. Ineriartormermi pisuussutit pilersitat naligiimmik agguameqartanngillat taamatullu

aamma pisuut piitsuullu nikingassutaat annertusiartorluni. Naapertuilluanngitsumik pineqarneq, piitsuussuseq, ilisimaassuseq aamma peqqarniisaarluni saqitsaattarnerit nalinginnaapput annikilliornerpassuarnillu pilersitsisarlutik. Nunarsuarmi inuiassuit tupinnaannartumik amerliartupiloornerat uumassusillit akunnerminni sunniuteqatigiinnerannut inooqatigiinnermullu siomatigut siumorneqarsimanngitsumik artukkersuisuupput. Nunarsuaq tamakkerlugu toqqissisimaqatigiinnermi toqqammaviusut aarlerinartorsiorititaapput. Ingerlaatsit tamakku aarlerinartuupput – pinngitsoortinneqarsinnaallutilli.

### ***Siunissami anigorniagassat***

Aamanna qinigassarput: Nunarsuatsinnik uagutsinnillu isumaginnikkumalluta nunarsuaq tamakkerlugu peqatigiinneq pilersittariaqarparput, taamaangippat immitsinnik inuunerullu assigiinngitsutigut pisuussutaanik sequmiisinnaavugut. Nalilersueriaatsitsinnik, ingerlatsivitsinnik inooriaatsitsinnillu tunngaviusumik allannortuisariaqarpugut. Akuersaartariaqarput tassaavoq pisariaqartitavitta naammassereernerisigut inuttut ineriartornerup qiterisariaqaraa naleqartitsinerunissaq, pisserineq pinnagu. Kikkut tamaasa iluamik isumagineqarnissaannut avatangiisinullu sunniutitta annikillisinnaannut ilisimasaqareerlutalu sakkusaqareerpugut. Nunarsuaq tamakkerlugu inuiassuit inooqatigiinnikkut piorsaqatigiinnerat aqqutigalugu silarsuaq oqartussaaqatigiiffiusoq inuppalaartorlu pilersinneqarsinnaalissaq. Avatangiisitsinnut, aningaasarsiornermut, politikkimut, inooqatigiinnermut anersaakkullu inuunitsinnut tunngatillugu anigorniagassavut imminnut ataqatigiissuupput, ataatsimoorlutalu ataatsimut aaqqiissutaasinnaasunik eqqarsaqatigiisinnaavugut.

### ***Nunarsuaq tamakkerlugu akisussaaqatigiinneq***

Anguniakkat tamakku timitalersinnaajumallugit aalajangiuttariaqarparput nunarsuaq tamakkerlugu akisussaaqatigiissut inuujumalluta, Nunarsuarmi inuiassuit najukkatsinnilu inuiaqativut naligisatsit pillugit. Nunani assigiinngitsuni inuttaajutigaluta silarsuarmi ataatsimi inuuvugut, taamaalillutillu najukkavut nunarsuarlu tamarmiisoq ataatsimoorput. Inuiassuartut ilaqutariussutsitta silarsuullu uumassuseqarfiusup iluanni toqqissisimasumik ingerlaaseqarmissamut maanna siunissamilu tamatta akisussaaseqatigiippugut. Inuunerup paasiuminaassusia ataqqillugu, inuunerup tunissutaa qujamasuutigalugu inuullu pinngortitami inissisimaffia innimigalugu inuugutta inuttut ataqatigiinnitsinnik anersaarput uumassusillinnullu sunulluunniit qileruteqarnermik misigisimanerput annertunerulissaq. Nunarsuarmi inuiassuit amerliartuinnartut ileqqorissaarnermik toqqammaveqarnissaat anguniarlugu toqqammaviusutut suut pingaartinnerlutigik piaarnerpaamik eqqarsaqatigiittariaqarpugut. Taamaattumik ataatsimut neriuuteqarluta nutartertuartumik inooqatigiinnissatsinnut toqqammavissatut aallaavissavut imminnut ataqatigiissut makku aalajangersarpavut, taakkulu kikkulluunniit inuit, kattuffiit, inuussutissarsiutinik ingerlataqartut, naalakkersuisut nunallu akornanni suleqatigiiffiit iliutsiminni malittaralugillu nalilersuisarnerminni toqqammavigisariaqarpaat.

## **TUNNGAVISSAT**

### **I.**

#### **UUMASSUSILLIT ATAQATIGIIAAT**

#### **INNIMIGINEQARLUTILLU ERIAGINEQARNISSAAT**

##### ***1. Nunarsuarmik uumassuseqartullu suulluunniit assigiinngisitaassusiannik eriaginninnissaq.***

- a. Uumassusillit suulluunniit imminnut ataqatigiinnerat qanorittuugalarunilluunniillu naleqassusiat, inunnit iluaqutigineqarsinnaassusiat apequtaatinnagu akuersaassallugu.
- b. Inuit tamarmik inunnguutsiminnit ataqinassuseqarnerannik isuma inuiassuillu kinguaariit silatussutsikkut, eqqumiitsuliorsinnaanikkut, qanilaarmikkut anersaakkullu periarfissaqassusiat uppemarsassallugu.

**2. Uumassusillit ataqatigiiaat innarlitsaalissallugit - paasinnineq, naakkinnineq asamminnerlu toqqammavigalugit.**

a. Akuersaassallugu pinngortitami pissamaatinik piginnissinnaatitaanerup, aqutsisinnaatitaanerup atuisinnaatitaanerullu kingunerannik avatangiisit innarlerneqarnissaannik pinaveersaartitsinermik inuillu pisinnaatitaaffiik illersuinissamik pisussaaffeqarnermik malitseqarmata.

b. Kiffaangissuseqarnerup, ilisimasaqassutsip pissaaneqamerullu annertusiartormeri ilutigalugit ataatsimut iluaqutissat siuarsarnissaannut annerusumik akisussaassuseqalermissaq malittaassasoq akuersaassallugu.

**3. Inuiaqatigiit innuttaasut oqartussaaqataanerannik toqqammaveqartut, naapertuilluartumik ingerlatsisut, aalajangersaaqataasinnaanermik periarfissiisut, pisuussutinik atorluaasut eqqisseqatigiinnissamillu anguniagaqartut pilersissallugit.**

a. Inuiaqatigiit oqartussaaqataasut tamaginni inuit pisinnaatitaaffiik tunngaviusumillu kiffaangissuseqarnermik qulakkeerinnittut kiisalu aamma arnaaneq angutaanerluunniit apeqqutaatinnagu piginnaassutsinik tamaginnik timitalersuisinnaaneramik periarfissiisut pilersissallugit.

b. Inooqatigiinnikkut aningaasarsiorfikullu naapertuilluartumik ingerlatsineq siuarsassallugu, tassuunakkut kikkulluunniit isumannaatsumik isumalimmillu avatangiisinillu eriaginnitsumik inuussutissarsiorfeqarsinnaaleqqullugit.

**4. Nunarsuup tukkussusia kusanassusialu kinguaariinnut maanna imuusunut siunissamilu kinguaassanut qulakkiissallugu.**

a. Kinguaariit tamarmik periarfissaqassusiat siunissami kinguaariligassat pisariaqartiligassaannit killilerneqartoq akuersaassallugu.

b. Nunarsuarmi inuiaqatigiisut uumassuseqartullu ataatsimoortukkuutaat siunissami sikkilernissaannik ikorfartuisinnaasut naleqartitat suulluunniit, ileqqut ingerlatsiviillu kinguaassanut kingornutaritissallugit.

**Pisussaaffiit taakku imartuut sisamat naammassisinnaajumallugit, makkuninnga iliuseqarnissaq pisariaqarpoq:**

**II.**

**UUMASSUSEQARFITTUT PATAJAASSUSEQ**

**5. Nunarsuarmi uumassuseqarfiit ataqatigiiaat akornanni patajaassuseq illersussallugu piorsaaqqissallugulu, uumassuseqartut assigiinnngisitaassusiat inuillu akuliuffiginngisaannik avatangiisini pinngorarnerit inuunermik nungutsaaliuisut immikkut innimigalugit.**

a. Avatangiisinut tunngatillugu iliuseriniakkanut tamanut avatangiisinik innarlitsaaliuinissaq piorsaaqqinnissarlu pinngitsoorani ilannguttarnissaat anguniarlugu aalajangersaasarfinni tamani ineriartortitsinissamut pilersaarutit malittarisassallu ataavartumik ineriartortitsissat aalajangersassallugit.

b. Matuma ataani avatangiisit aamma uumassuseqarfiit pissamaateqarfiusut ataavarsinnaasut isumannaallinissaannut, ilanngullugit immami nunamillu uumassuseqarfiusut inuilaamiittut, Nunarsuup uumassusilinnit najorneqartuarnissaanut periarfissat atuutsittuarumallugit, uumassuseqartut assigiinnngisitaarnerat atuutsittuarumallugu inunnguutsitsinnillu kingornutavut atuutsikkumallugit periarfissat pilersillugillu qulakkeertariaqarpavut.

c. Uumassuseqartut uumaffigineqarsinnaasullu assigiinnngitsut piorsarneqaaqqinnissaat siuarsassallugu.

d. Uumassusillit nunanit allaneersut imaluunniit sananeqaatsimikkut allannngortinneqarsimasut uumassusilinnut allanut pinngortitameersunut avatangiisinullu ulorianaateqartut aqussinnaassallugillu

piuncerutsissinnaassallugit, uumassuseqartullu tamakku ulorianartut atorneqarnissaat pinaveersaartissallugu.

e. Pissamaait atavartumik atorneqarsinnaasut soorlu imeq, issoq, tunisassiat orpippassuarnit pissarsiarineqarsinnaasut imaanilu uumasut iluaqutigineqarsinnaasut kingunissaqartuarmissaannut killigittassat ataqqissallugit, uumassuseqartullu suulluunniit imminnut ataqatigiiaartut peqqissumik ingerlaavarnissaat angujumallugu iliuuseqarnissaq.

f. Pissamaatinik nutarterneqarsinnaanngitsunik soorlu ujaqqanik aatsitassanik ikummatissanillu nungusaaneq annikinnerpaatillugu avatangiisinillu annertuumik innarliinertaqartinnagu piiasinnaaneq atuinerlu aqussallugit.

**6. Avatangiisit illersorneqarnissaannut innarliinnginnissaq illersuutissatut pitsaanerpaatut atussallugu paasisimasallu annikitsuinnaatillugit isumannaallisaanerit tunngavigissallugit.**

a. Avatangiisinik annertuumik imaluunniit iluarsisassaannngitsunik ajoqusiinissaq pinngitsoortinniarlugu, aamma ilisimatuussutsikkut paasisat annikiginartinnerini imaluunniit uppernaatsuunerini sillimaniarnissaq.

b. Iliuuseriniakkat annerusumik ajoqusiinnginnissaannik oqaluttut uppernarsaanissaannik piumaffigissassallugit aamma atuiniarlutik peqataasut avatangiisinik innarliinernut akisussaasussatut pisussaaffilertassallugit.

c. Inuit iliuuserisaasa kingunerannik sunniutaasartut annertusiartortut, qaqugorsuarmut atussinnaasut, toqqaannanngikkaluamik malunniussinnaasut, isorartoqisumut siaruaassinnaasut nunarsuarmullu tamarmut kinguneqarnerlussinnaasut aalajangersaasarnerni ilannguttarnissaat isumagissallugu.

d. Avatangiisit arlaannaannilluunniit mingutsisisinnaaneq pinaveersaartissallugu taamatullu aamma atortussiat suulluunniit radiop qinngornerinik akoqartut, toqunartut allatulluunniit uloriaanaateqartut ataatsimut eqiterunnissaat inerteqqutigissallugu.

e. Sakkutooqamikkut iliuutsit avatangiisinik innarliisinnaasut pinaveersaartissallugit.

**7. Tunisassioriaatsit, atueriaatsit suliareqqinneriaatsillu Nunarsuup nutartertuarneranik, inuit pisinnaatitaaffinik ataatsimullu peqqissumik inooqatiginnermik innarlitsaaliuisut atussallugit.**

a. Atortussat tunisassiornerni allatullu atueriaatsini atorneqartut annikillississallugit, atoqqittassallugit iluaqutigeqqittassallugillu aamma eqqagassatut sinneruttut uumassuseqatigiiaanut akornusiinnginnissaat qulakkiissallugu.

b. Nukissamik atuinermi mianersortumik pissarsinarluartumillu iliuuseqartassalluni aamma nukissiuutit piujuartussat soorlu seqernup erngullu nukii atomeruleriartussallugit.

c. Teknikkikkut periutsit avatangiisinut isumannaannerusut piorsarnissaat, atulernissaat nuuffiginissaallu aqutissiuutissallugu.

d. Nioqutissianut sullissinermullu atatillugu avatangiisinut inooqatigiinnermullu tunngasunut aningaasartuutit tamaasa nioqutigininnermi akinut ilannguttassallugit, tunisassiallu inunnik aamma avatangiisinik pinninnermi pitsaanerpaamik aallaaveqartut atuisartunit ajornaatsumik paasineqarsinnaalersissallugit.

e. Peqqinnissakkut isumaginninnermi inuiassuarnut tamanut qulakkiissallugu akisussaassuseqartumik kingunissalimmillu ingerlatsinerup sallitinneqarnissaa.

f. Nunarsuarmi killilimmik pissamaateqarfiusumi inooriaatsit inuunerup pitsaassusianik pigisallu naammassusiinik pingaartitsisut tapersersussallugit.

**8. Uumassuseqatigiiaat nutartertuarnissaannik ilisimatusarnerit siuarsassallugit paasisimasanillu killeqanngitsumik taarseeqatigiittarnissaq ammasumillu atuinissaq sulissutigissallugu.**

a. Pissamaatinik nungutsaaliuinissaq pillugu nunarsuaq tamakkerlugu ilisimatuussutsikkut teknikikkullu suleqatigiinneq tapersersussallugu,

- nunat ineriartortut pisariaqartitaat immikkut pingaartillugit.
- b. Qangaaniilli ilisimasat anersaakkullu pisuussutit kulturini tamani avatangiisinik illersuineranut inuillu toqqissisimasumik inuunerannut sunniuteqaqataasut akuersaarlugillu tammatsaaliussallugit.
- c. Inuup peqqissusianut avatangiisillu innarlitsaaliormerannut ilisimasat pingaaruteqarluinnartut, matuma ataani uumassuseqartut sananeqaataat pillugit ilisimasat, kikkunniit tamanit pissarsiarineqarsinnaanissaat qulakkiissallugu.

### III.

#### **INOOQATIGIINNIKKUT ANINGAASARSIORNIKKULLU NAAPERTUILLUARTUMIK INGERLATSINEQ**

##### ***9. Qanilaarneq, inooqatigiinneq avatangiisinillu eriaginninneq aallaavigalugit piitsuussutsimik nungusaaneq peqqussutigissallugu.***

- a. Nunani ataasiakkaani nunallu tamalaat akornanni pisuussutit pisariaqartinneqartut agguataamerisigut imissaqarnermik, silaannarmik minguitsumik, inuussutissaqarnermik, nunaatinik mingutsitaanngitsunik, illussaqarnissamik aamma isumannaatsumik peqqissuseqarnissamik qulakkeerinninnissaq.
- b. Inuit kikkulluunniit ilinniagaqarnissamut inuusinnaanermullu naammattunik toqqammavissanik periarfissillugit imminnullu isumagisinnaanngitsut isumaginninnikkut ikorfartorlugit isumannaallisaffigalugillu.
- c. Sumiginnakkat akuerissallugit, sanngiitsut illersussallugit, erloqisut ikiussallugit piginnaanerminnik ineriartortitsisinnaalertillugit neriuttiminillu anguniagaqarsinnaalersillugit.

##### ***10. Aningaasarsiornikkut iliuutsit ingerlatsiviillu qanoq ikkaluartulluunniit inuttut ineriartormermik naapertuilluartumik kingunissaqarluartumillu siuarsarnissaat qulakkiissallugu.***

- a. Nunani ataasiakkaani nunallu assigiinngitsut akornanni pisuussutit naammaginartumik agguataarneqarnissaat anguniartariaqarpoq.
- b. Nunani ineriartorfusuni ilisimasaqassutsikkut, aningaasarsiornikkut, teknikkikkut, inooqatigiinnikkullu periarfissat annertusarlugit nunallu taakkua nunat tamalaat akornanni artorsaatigeqalugit akiitsorisaannit aniguisissallugit.
- c. Niuernikkut pissutsini suniluunniit pisuussutinik nungusaataanngitsumik atuinissaq, avatangiisinik illersuinissaq aamma suleriaatsinik siuarsimasunik atuinissaq tapersersorlugit ingerlannissaat qulakkiissallugu.
- d. Nunarsuaq tamakkerlugu ingerlatseqatigiissuit nunallu tamalaat akornanni aningaasaqarnikkut ingerlatsiviit tamanut iluaqutaasussamik ammasumik ingerlatsinissaannik peqqussallugit, kiisalu aamma iliuuserisamik sunniutaannut akisussaattissallugit.

##### ***11. Kingunissalimmik ineriartornissamut tunngavigisassat arnat angutillu naliginnerat pissusissamisoortut akuerissallugu aamma kikkulluunniit ilinniagaqarnissamut, peqqinnissakkut isumaginninnermut aningaasarsiornikkullu periarfissanut ammaanneqarnissaat qulakkiissallugu.***

- a. Inuttut pisinnaatitaaffiit arnanut nivarsiaqqanullu atuutsinnissaat isumannaassallugu aamma taakkununga persuttaasernerit tamaasa unitsissallugit.
- b. Aningaasarsiormermi, politikkimi, innuttaanermi, inooqataanermi kulturikkullu ingerlatsinermi sutigut tamatigut arnat naligilluinnakkatut, aalajangiisartutut, pisortatullu tamakkiisumik peqataanissaat siuarsassallugu.
- c. Ilaqutariit nukittorsassallugit ilaqutariinnullu ilaasut tamarmik toqqissisimasumik atugaqarlutillu asannittumik pineqarnissaat isumagissallugu.

##### ***12. Inuit kikkulluunniit, immikkoortitsinertaqanngitsumik, pisinnaatitaaffeqarput***

***pinngortitamik inooqatigiinnikkullu avatangiiseqassallutik  
inuttut ataqqinassutsimik, timikkut peqqinnermik tarnikkullu  
toqqissisimanermik ikorfartuisuusunik, matumani nunap  
inoqqaavisa ikinnerussuteqartullu allat pisinnaatitaaffii immikkut  
pineqarlutik.***

- a. Immikkoortitsinerit suulluunniit, soorlu sumit naggueqarnermik, ammip qalipaataanik, angutaarnermik arnaanermilluunniit, atoqatigiittarnikkut sammivigisamik, upperisarsionermik, oqaatsinik taamatullu inuiaassutsimik, sumiuussutsimik imaluunniit inuiaqatigiit agguataarsimanerini pinngorfimmik toqqammaveqartut atorunnaarsinneqartariaqarput.
- b. Nunat inoqqaavisa anersaakkut inuunerminnut, ilisimasaminnut, nunaminnut pisuussutiminnullu tunngatillugu pisinnaatitaaffii akuersaartariaqarput taakkulu aallaavigalugit kingunissalimmik inuusaaseqarnerat ilanngullugu.
- c. Inuiaqatigiinni najukkatsinni inuusuttut ataqqillugillu ikorfartortariaqarpagut, taamaalillutik inuiaqatigiinnik toqqissisimasunik pilersitsiniarnermi aalajangiisuusumik peqataanissaminnut periarfissaqarsinnaaqullugit.
- d. Sumiiffinni assigiingitsuni naammattuugassaasut kulturikkut anersaakkullu immikkut pingaaruteqartut aserfallatsaaliorlugillu iluarsaattariaqarput.

#### **IV. OQARTUSSAAQATAANEQ, NAKUSERNERUNNGITSOQ AAMMA EQQISSINEQ**

***13. Inuit tamat oqartussaaqataanerat tunngavigalugu ingerlatsiviit  
qaffasissutsini tamaniittut nukittorsassallugit naalakkersuinikkullu  
ingerlatsinerit paasiuminarnerulersissallugit akisussaassuseqarnerulersissallugillu,  
matuma ataani aalajangersaasarnerni  
peqataanissaq aamma eqqartuussivinnik tatisimaneqarani atuisinnaaneq  
qulakkiissallugu.***

- a. Avatangiisinut tunngatillugu suliat aamma piorsaanissamut pilersaarutit tamaasa suliallu ingerlatat kikkunnulluunniit attuumassuteqartunut pingaaruteqarsinnaasut pillugit kikkut tamarmik erseqqissumik piffissaatillugulu ilisimatinneqarmissamik pisinnaatitaaffii atuutissallugit.
- b. Najukkani, nunat immikkoortuini nunarsuarmilu tamarmi inuiaqatigiit inuit tamat oqartussaaqataanerannik tunngaveqarlutik ingerlatsisut tapersersussallugit, inuit ataasiakkaat soqutigisaqatigiillu soqutiginnittut tamaasa aalajangersaasarnerni piviusumik peqataatinnissaat aqqutissiuutissallugu.
- c. Killilersorneqanngitsumik isummorsinnaatitaaneq, isummanik saqqummiussisinnatitaaneq, eqqissisimasumik katersuussinnaatitaaneq, peqatigiiffinnik pilersitsisinnatitaaneq allaassuteqartunillu isumaqarsinnaatitaaneq illersussallugit.
- d. Allaffissormikkut ingerlatsivinnut aamma eqqartuussivinnut tatisimaneqanngitsunut qularnaatumik persaqquersuutaanngitsumillu apuussisinnaaneq atuutissallugu, matuma ataani avatangiisit innarlerneqarsimanerinnut ulorianartorsiortinneqarnerinulluunniit illersornissaq taarsiussuteqarmissarlu eqqarsaatigalugit.
- e. Pisortat namminersortullu ingerlatsiviini tamani peqquserluttuliortamerit nungusassallugit.
- f. Najugaqarfinni inuiaqatigiit nukittorsassallugit avatangiisiminnillu isumaginittussatut pisinnaatissallugit, taamatullu aamma avatangiisinut akisussaaffik naalakkersuinikkut ingerlatsivinnut angusaqarluarsinnaanernut isumagisassanngortissallugu.

***14. Kingunissalimmik inuusaaseqarnissamut ilisimasat, pingaartitat  
aamma piginnaassuseqarfiit atuartitaanermut ilinniaqqittarnernullu  
ilanngutissallugit.***

- a. Kikkut tamaasa, ingammik meeqqat inuusuttullu, ilinniagaqarnissamut

- periarfississallugit, tassuunakkut kingunissalimmik ineriartortitsinissamut timalimmik peqataasinnaaqullugit.
- b. Ilinniartitaanerup kinguneqarluarnissaa ikorfartorumallugu eqqumiitsuliornermit, inunnut pinngortitamullu tunngasunik ilisimatusarnermit paasisimasat akuutinnissaat aqputissiuutissallugu.
- c. Uumassuseqatigiiaat inooqatigiinnerullu iluani pissusit unamminartui annerusumik qaammaasaqarfigileqqullugit tusagassiutit iliuserisartagaat annertusassallugit.
- d. Kingunissalimmik inooriaaseqarmissamut ileqqorissaanerup anersaallu tungaatigut ilinniartitaanerup pingaaruteqassusia akuersaassallugu.

**15. Uumassusillit suulluunniit ataqqillugillu sernigissallugit.**

- a. Inuit akunnerminni uumasuutigisaminnut naakkittaatsuliortarneri pinaveersaartissallugit, uumasullu naalliutsitaannginnissaannut sernigissallugit.
- b. Piniarmermi, kiisartulersornermi aalisarmermilu uumasut nujuartat sakkortuumik, sivisuumik pisariaqanngitsumilluunniit naalliuttitaanissaraluannit semissussallugit.
- c. Uumasut assigiingitsut piniakkanut ilanngullugit pisarineqartoortartut ilangunneqartarneri innarlerneqartarnerilu sapinngisamik pinaveersaartissallugu imaluunniit unitsivissallugu.

**16. Akaareqatigiinneq, nakuusinniginneq eqqissinerlu tunngavigalugit kulturimik piorsaaneq.**

- a. Inuit akornanni, inuiaqatigiit iluini inuiaqatigiillu assigiingitsut akornanni paaseqatigiinneq, illersoqatigiinneq suleqatigiinnerlu aqputissiuullugillu tapersersussallugit.
- b. Nakuusernikkut saqitsaannerit pinaveersaartinniarlugit periusissanik tamaginnik atuissalluni kiisalu aamma avatangiisinut tunngatillugu saqitsaannerit assortuunnerillu allat ingerlanerini anigorniarnerinilu suleqatigiilluni ajornartorsiutinik qaangiiniarneq atussallugu.
- c. Inuiaqatigiit isumannaallisaanermut tunngatillugu aaqqissuussaat sakkussakillisaaffigissallugit, allanut kamassaataanngitsumik taamaallaat illersornissamut atorsinnaalersillugit, aamma sakkutooqarnikkut periarfissat eqqissinermit atugassatut saatissallugit, eqqarsaatigaluguttaaq uumassuseqarfiit piorsaqqinnissaat.
- d. Atomip nukinganik qaartartuliat, uumassusillit toqunartut aamma atorlugit sakkussiat sakkussiallu allat annertoorsuarmik aseruisinnaasut piuncerutissallugit.
- e. Silaannarsuatta avataarsuatalu avatangiisinik eriaginninneq eqqissinerlu tunngavigalugit atorneqarmissaat qulakkiissallugu.
- f. Akuerissallugu eqqissineq tassaammat tamanik attuisoq, pilersinneqartorlu eqqortumik imminut, inunnik allanik, kulturinik allanik, Nunarsuarmillu iluamik pinninnermik aallaaveqartoq ataatsimullu isigalugu tassaasoq tamakku tamarmik kattullutik peqataaffigisaat.

**AQQUTISSAQ SIUMUT**

Oqaluttuarisaanerup ingerlanerani ataatsimut atugassaqtitaanitta aatsaat taama annertutigisumik piumaffigaatigut nutaamik aallartiffissamik ujarlernissatsinnik. Taamatut nutarterinissaq tassaavoq Nunarsuatta Siunissaa Pillugu Isumaqatigiissummi tunngavilersorneqartoq. Neriorsuut tamanna piviusunngortikkumallugu Isumaqatigiissutip nalilitut pingaartitai siunertaalu akuersaarlugillu tapersersortariaqarpagut. Taamaaliussagaanni eqqarsartaatsikkut uummatikkullu misigissutsinik allanngortitsinissaq pisariaqarpoq. Tamatumani nunarsuup ataqatigiinnera tamakkiisumillu akisussaassuseqarneq nutaamik qaammaasarilersariaqarpoq. Najugarisani, nunani, nunarsuup immikkoortuini nunarsuarlu tamakkerlugu nutartertuartumik inooqatigiinnissaq pillugu takorluugaq eqaatsumik eqqarsariaaseqarluta piorsassavarput atorlugulu. Kulturikkut assigiingissutsitta amerlangaassiat kingornussarsiararput eriagarluinnartoq,

kulturillu assigiingitsut takorluukkap piviusunngortinnissaanut namminneq immikkut aqqustissatik nassaarisariaqarpaat. Nunarsuarmiut akornanni isumasioqatigiinneq Nunarsuatta Siunissaa Pillugu Isumaqatigiisummik pilersitsisusooq itisilerlugulu annertusartariaqarparput, tassami iluumuussutsimik ilisimassutsimillu kipisuitsumik ujarlertuarneq annertuumik ilinniarfigisinnaagatsigu.

Inuunerup ingerlanerani akuttunngitsumik naammattuugassaasarpup pingaartillugit naleqartitat akornanni naalarulunnartorsiomerit. Taamaattoqartillugu arlaannik qinersinissaq ajornartorsiutaalersinnaasarpog.

Taamaalilluta aqqustissarsiortariaqarpugut assigiingisitaassuseq ataatsimoornermut naleqqussarniarlugulu, kiffaanngissuseqarneq ataatsimut iluaqutissanut naapertuuttunngortinniarlugulu taamatullu aamma qanimut

anguniakkat ungasissumut anguniakkanut naleqquttunngortikkumallugit.

Inuit ataasiakkaat, ilaqutariit, soqutigisaqatigiit inuiaqatigiillu kikkulluunniit

tamarmik immikkut pingaarluinnartumik pisussaaffeqarput. Eqqumiitsuliornermi,

ilisimatusarnermi, upperisarsiomeri, ilinniagaqarfinni,

tusagassiutini, niuernermi, peqatigiiffinni kattuffinnilu naalackersuisunut

attuumassuteqanngitsuni naalackersuisunilu ingerlatseqataasut tamarmik

kaammattorneqarput eqaatsumik periusilinnik siulersuisoqaqqullugit.

Naalackersuisut, innuttaasut inuussutissarsiutinillu ingerlatsisut a-

kornanni suleqatigiinneq inuiaqatigiit kinguneqarluartumik siulersorneqarnissaannut

pingaaruteqarluinnarpoq.

Nunarsuaq tamakkerlugulu inuiaqatigiisuit nutartertuartumik inooqatigiinnermik

tunngaveqartut pilersikkumallugit nunarsuarmi inuiaqatigiit Naalagaaffiit

Peqatigiinnut pisussaaffitik nutartertariaqarpaat, nunat tamalaat

akornanni isumaqatigiisutit pioreersut naapertorlugit pisussaaffimminnik

naammassinnissallutik kiisalu Nunarsuatta Siunissaa Pillugu Isumaqatigiisummi

tunngaviusut piviusunngortinnissaat tapersorsorlugulu avatangisut

aamma piorsaaneq eqqarsaatigalugit sakkussanik inatsisitigut pisussaaffiliisunik

nunarsuarlu tamakkerlugulu atuuttussanik pilersitsissallutik.

Qanortoq nalitta eqqaamanegaatigiliuk inuunermik ataqqinninnerup kingumut

eqcersagaqqinnera, nungukkiartuutaanngitsumik atulluni nutartertuartumik

inooqatigiinnissaq pillugu patajaatsumik aalajangersaaneq,

naapertuilluarneq eqqissinerlu anguniarlugit sorsuutiginninnermik siuarsaaneq

kiisalu aamma nuannaarluni inuunermik unnersiutiginninneq.